

M O S C O V I A

II, Proximum post nobiles locum occupant ii quos vocant *Sina Bojaresky*, id est, nobilium liberi, qui stipendiis Principis militant: insolentissimum hominum genus: & scribæ, sive *dyaks*, qui proximum locum in oppidis obtinent post præfectos sive Duces.

III, Infimus ordo plebejorum est, quos vocant *mauficks*; inter quos agmen ducunt mercatores; sequuntur mechanicarum artium periti: despiciatissimi sunt agricolæ, quos *Christianeis* appellant.

De regimine provinciarum.

Russiarum principatus omnis dividitur in quatuor partes sive tetrarchias, quas ipsi *Chedfirds* appellant. quarum singulae plures provincias complectuntur, & certis officiis sunt annexæ, à quibus & nomina fortiuntur.

Prima tetrarchia vocatur *Pojosky Chedfird*, sive jurisdictio muneris Legatorum, & plerumque addicitur principali Secretario, qui quotannis illius nomine percipit centum rublas. Secunda dicitur *Rosjeradney Chedfird*, quæ fere supremo Comiti stabuli, quem *Rosjerade* vocant, attribuitur, cum stipendio itidem c rubl.

Tertia vocatur *Pomesnoy Chedfird*, quia attribuitur illi qui servat indicem omnium terrarum quas Princeps nobilibus suis aliisque attribuit; cum stipendio annuo 100 rubl.

Quarta denique *Cassauski Dworets*; quia tribuitur illi qui jus dicit in regno Casan & Astracan & oppidis ad Volgam sitis, cum stipendio c l rubl.

Extra has tetrarchias censetur Principis patrimonium, vulgo domanium; quod ipsi dicunt *Vochin* quod x x x v i oppida cum suis territoriis complectitur. Itemque peculiare quædam jurisditiones, uti Vagæ provinciarum & similia.

Atque hi quidem præcipui sunt principatus ministri, qui fere in civitate Moscua agunt; aut quando cum principe aliò digrediuntur, officii sui munimenta & ministeria secum ducunt. Sunt autem illorum partes, querelas omnes, aliaque quæ è suis tetrarchiis ad ipsos deferuntur, ad principalem Senatum referre: & quæ à Principe & Senatu decreta mandataque fuerint, in suis item provinciis promulganda & exequenda procurare. In quibus provinciis Duces sive præfecti constituuntur, qui per *Dyacks*, id est, scribas, omnia fere agunt quæ agenda sunt: nam ipsi infima dignatione inter nobiles censentur. Estque eorum munus, *Primo* civiles omnes causas in suo districtu audire & determinare. In quem finem officiales habent sibi subordinatos: quales sunt *Gubnoy Staretz*, qui reos carceribus mancipant: *Soudie*, iudices inferiores, qui de causis quibusdam cognoscunt & judicant in suis balivatibus, ita tamen ut ab ipsis ad Ducem sive scribam detur provocatio; sicuti à duce & scriba ad aulicum Senatum appellatur: denique *Sotskoy Starets*, id est, Aldermannos sive Balivos centuriarum. Deinde munus illorum est, de criminibus, furto, homicidio, prodicione, &c. cog-

noscere, reos captivare, examinare; & examen cum omnibus suis circumstantiis ad præfectum tetrarchiarum suarum qui in aula residet mittere; nam ipsis reos plectere aut capitis damnare non licet. *Tertio*, leges aliaque edicta nomine principis promulgare, tributa colligere, militum delectus habere, & sacramento adactos ad locum à Principe dictum destinare.

Porro hi duces & scribæ ab ipso Principe eliguntur, & ad suas quique provincias destinantur, & ut plurimum singulis annis mutantur, nisi aliter principi videatur; & quum fere advenæ sint in illis provinciis, nullo populi favore, sed principalis legationis metu subsistunt; & qui plurimum, c rublas, alii minus quotannis pro stipendio accipiunt: quo fit ut plerumque inopes provinciales misere spolient; quod à primoribus illis eo conniventius toleratur, ut ipsos veluti spongas exprimere & repetundarum postulare possint: raroque munere decedentes poenam evadunt, quam *pudkey* vocant, ubi flagris cæduntur, quorum ipsi haud ignari, tam licenter prædantur, ut & Imperatori & præfecto tetrarchiarum partem erogare, & nonnihil sibi ipsis valeant retinere. Atque tales quidem fere in mediterraneis oppidis munera hæc publica fortiuntur: limitaneorum major cura habetur; in quibus plerumque bini, & non raro è consiliariis principalium ordine constituuntur. Hæc oppida sunt, Smolensko, (quo Polonus jam positus,) Vobsko, Novogrod, & Casan; quorum tria priora Polonos & Suecos vicinos habent, posterius, licet è longinquo, Tartaros Crimeos. Horum ducum & dignitas major est, & potestas amplior; ita ut etiam criminum manifestos plectant. Stipendium eorum annuum c c c c rublæ, quorundam & 100 c c.

Moscua civitas, uti Principis domicilium, ab ipso solo & Senatu regitur. Senatores enim in diversis tribunalibus causas civiles & criminales audiunt atque dijudicant. Urbis tamen negotia alia, qualia sunt platearum cura, tributorum collectio, & similia, duo nobiles & totidem scribæ procurant, quorum tribunal *Zempskoy* vocatur. Ad quod oppidani famulos suos furti suspectos adducunt, flagro aut alio tormento examinandos. Præter hos duos nobiles & totidem scribas, sunt Aldermanni, *Staruts* ipsis, singulis tribubus præfecti, in quas plebs omnis divisa est: illi sub se habent suos *Sotskeys*; & hi suos *Decetskeys*, id est, decuriones, qui decem familiarum inspectionem habent. Priores illi nobiles & scribæ ab ipso Principe constituuntur; qui Aldermannos suos eligunt; & illi porro *Sotskeys*; *Sotskeys* autem decuriones.

Russorum Princeps plurimis nobilium tribuit titulum & dignitatem Consiliariorum; quorum tamen opera raro utitur, quique rarissime ad Senatum habendum vocantur. hi generatim *Boyarens* appellantur; quum cæteri, quo-

De consilio privato Principis.